

Broj: 01/1- /21  
Kakanj, \_\_. \_\_. 2021. godine

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09) i člana 24. Statuta Općine Kakanj („Službene novine Općine Kakanj“, broj: 4/08), a u vezi sa članom 4. Odluke o izvršavanju Budžeta Općine Kakanj za 2021. godinu, broj: 01/1-4-52/21 od 25.02.2021. godine („Službene novine Općine Kakanj“, broj: 3/21), Općinsko vijeće na \_\_. sjednici, održanoj dana \_\_. \_\_. 2021. godine, u s v o j i l o j e:

**P R O G R A M**

**utroška sredstava za informisanje za 2021. godinu**

**I**

Planirana sredstva Budžetom Općine Kakanj za 2021. godinu u okviru pozicije „Ugovorene i druge posebne usluge – **Izdaci za informisanje**“, ekonomski kod 613900, u iznosu od **52.000,00 KM**, raspoređuju se za sljedeće namjene:

R/b	Naziv izdatka za informisanje	Iznos sredstava/KM
1.	Pretplata na službena glasila (Službeni glasnik BiH, Službene novine FBiH, Službene novine ZDK)	2.000,00
2.	Nabavka stručne literature i publikacija, te izrada općinskog promotivnog materijala	4.000,00
3.	Pretplata na dnevnu i periodičnu štampu (Kakanjske novine, Naša riječ i dr.)	4.000,00
4.	Zakup web-hostinga za službenu stranicu Općine Kakanj, te održavanje i redizajn službene stranice	500,00
5.	Usluge elektronskih medija (televizija, radio i internet) - objava oglasa, konkursa, javnih poziva, obavještenja, čestitki, reportaža, sjećanja i sl.	21.000,00
6.	Usluge printanih medija - objava oglasa, konkursa, javnih poziva, obavještenja, čestitki, reportaža, sjećanja i sl.	16.000,00
7.	Objava oglasa, tendera i obavještenja u Službenom listu BiH	3.000,00
8.	Ostale usluge informisanja	1.500,00
<b>UKUPNO:</b>		<b>52.000,00</b>

Realizacija i praćenje utroška sredstava u okviru pozicije „Ugovorene i druge posebne usluge – Izdaci za informisanje“, ekonomski kod 613900, u iznosu od 52.000,00 je u nadležnosti Stručne službe za poslove Općinskog načelnika.

**II**

Planirana sredstva Budžetom Općine Kakanj za 2021. godinu u okviru pozicije „Ugovorene usluge – **Usluge praćenja sjednica Općinskog vijeća**“, ekonomski kod 613900, u iznosu od **27.000,00 KM**, raspoređuju se za sljedeće namjene:

R/b	Naziv usluge	Iznos sredstava/KM
1.	Snimanje i emitiranje sjednica Općinskog vijeća – televizija	24.000,00
2.	Praćenje i izvještavanje sa sjednica Općinskog vijeća – radio	1.500,00
3.	Praćenje i izvještavanje sa sjednica Općinskog vijeća – printani mediji	1.500,00
<b>UKUPNO:</b>		<b>27.000,00</b>

Realizacija i praćenje utroška sredstava u okviru pozicije „Ugovorene usluge – Usluge praćenja sjednica Općinskog vijeća“, ekonomski kod 613900, u iznosu od 27.000,00 je u nadležnosti Stručne službe za poslove Općinskog vijeća.

**III**

Planirana sredstva iz tačke I i II biće realizovana u skladu sa procedurama propisanim odredbama Zakona o javnim nabavkama BiH, te u skladu sa ostalim pozitivnim propisima koji reguliraju ovu oblast.

**IV**

Realizacija ovog Programa vršit će se u skladu sa prilivom budžetskih prihoda.

**V**

Ovaj Program stupa na snagu danom donošenja, a objavit će se u „Službenim novinama Općine Kakanj“.

**Predsjedavajući Općinskog vijeća**

Slaven Katičić, s.r.

## O b r a z l o ž e n j e

### I – Realizacija Programa utroška sredstava za informisanje za 2020. godinu

Budžetom Općine Kakanj za 2020. godinu („Službene novine Općine Kakanj“, broj: 4/20), u okviru pozicije „Ugovorene i druge posebne usluge“, ekonomski kod 613900, planirana su sredstva u iznosu od 79.000,00 KM, i to:

- 52.000,00 KM – Izdaci za informisanje;
- 27.000,00 KM – Usluge praćenja sjednica Općinskog vijeća Kakanj.

Na 39. sjednici, održanoj dana 27.02.2020. godine, Općinsko vijeće Kakanj usvojilo je Program utroška sredstava za informisanje za 2020. godinu, broj: 01/1-39-78/20 od 27.02.2020. godine („Službene novine Općine Kakanj“, broj: 4/20). Za razliku od drugih programa rasporeda sredstava koje usvaja Općinsko vijeće, realizaciju Programa utroška sredstava za informisanje puno je teže pratiti, obzirom da predmetna sredstva, pored Općinskog načelnika, troši više subjekata, i to: Predsjedavajući Općinskog vijeća Kakanj (objava čestitki u sredstvima javnog informisanja i dr.), Stručna služba za poslove Općinskog vijeća (objava oglasa, konkursa i sl. npr. za izbor i imenovanje u upravne odbore, općinsku izbornu komisiju, za petnaestopriljska priznanja i dr.), Služba za privredu, urbanizam i zaštitu okoline (objava oglasa, konkursa, javnih poziva, obavještenja i sl. npr. za razne podsticaje, edukacije i dr.), Služba za imovinsko-pravne, geodetske poslove i katastar nekretnina (objava oglasa, konkursa i sl. npr. za prodaju građevinskog zemljišta, poslovnih prostora i dr.), Služba za opću upravu, radne i zajedničke poslove, lokalnu samoupravu i mjesne zajednice (objava oglasa, konkursa i sl. npr. za prijem u radni odnos državnih službenika i namještenika, i dr.) i Komisija za javne nabavke (objava oglasa, tendera i obavještenja u „Službenom listu BiH“). Znači, korištenje sredstava za informisanje od strane više subjekata otežava realno planiranje, kao i praćenje utroška tih sredstava, što nije slučaj kod realizacije drugih programa gdje se utrošak sredstava vrši sa jednog mjesta.

Također, utrošak ovih sredstava je povezan sa vršenjem drugih službenih radnji, sa zakonskim rokovima i sl. (npr. Komisija za javne nabavke koristi ova sredstva kako bi ispoštovala zakonsku proceduru i rokove, te izvršila odabir najpovoljnijeg ponuđača za izvođenje radova i realizaciju određenih projekata; da bi resorna općinska služba postupila po odlukama Općinskog vijeća i izvršila prodaju građevinskog zemljišta mora raspisati javni konkurs i isti objaviti u sredstvima javnog informisanja i dr.).

U sljedećim tabelama sadržani su podaci o utrošku sredstava za informisanje u 2020. godini:

R/b	Naziv izdatka za informisanje	Program utroška za 2020. /KM/	Utrošeno u 2020. /KM/
1.	Pretplata na službena glasila (Službeni glasnik BiH, Službene novine FBiH, Službene novine ZDK)	2.000,00	1.860,00
2.	Nabavka stručne literature i publikacija, te izrada općinskog promotivnog materijala	4.000,00	3.983,97
3.	Pretplata na dnevnu i periodičnu štampu (Kakanjske novine, Naša riječ i dr.)	4.000,00	3.904,5
4.	Zakup web-hostinga za službenu stranicu Općine Kakanj, te održavanje i redizajn službene stranice	1.000,00	467,00
5.	Usluge elektronskih medija (televizija, radio i internet) - objava oglasa, konkursa, javnih poziva, obavještenja, čestitki, reportaža, sjećanja i sl.	22.000,00	21.872,28
6.	Usluge printanih medija - objava oglasa, konkursa, javnih poziva, obavještenja, čestitki, reportaža, sjećanja i sl.	19.000,00	16.447,73
7.	Objava oglasa, tendera i obavještenja u Službenom listu BiH	3.500,00	2.589,1
8.	Ostale usluge informisanja	1.500,00	1.468,00
<b>UKUPNO:</b>		<b>57.000,00</b>	<b>52.592,58</b>

R/b	Naziv usluge	Program utroška za 2020. /KM/	Utrošeno u 2020. /KM/
1.	Snimanje i emitiranje sjednica Općinskog vijeća – televizija	24.000,00	24.000,00
2.	Praćenje i izvještavanje sa sjednica Općinskog vijeća – radio	1.500,00	1.404,00
3.	Praćenje i izvještavanje sa sjednica Općinskog vijeća – printani mediji	1.500,00	1.404,00
<b>UKUPNO:</b>		<b>27.000,00</b>	<b>26.804,00</b>

### II – Izdaci za informisanje za 2021. godinu - 52.000,00 KM

1. Pretplata na službena glasila (Službeni glasnik BiH, Službene novine FBiH, Službene novine ZDK) - 2.000,00 KM

U 2020. godini na ime godišnje pretplate na službena glasila (Službeni glasnik BiH, Službene novine Federacije BiH, Službene novine ZDK- printana i elektronska izdanja) utrošeno je 1.860,00 KM.

**2. Nabavka stručne literature i publikacija, te izrada općinskog promotivnog materijala – 4.000,00 KM**

Nabavkom stručne literature i publikacija (ZIPS, Pravni savjetnik, Porezni savjetnik, Sudska praksa, komentari zakona i dr.), Općina Kakanj omogućava i podstiče stručno usavršavanje i edukaciju svojih zaposlenika, čime se stvaraju pretpostavke za efikasniju općinsku upravu.

Izradom općinskog promotivnog materijala nastoji se izvršiti promocija i predstavljanje općine Kakanj, te svih njenih potencijala i znamenitosti, a sve u cilju stvaranja boljih uslova za razvoj naše općine.

U 2020. godini za nabavku stručne literature i publikacija, te izradu općinskog promotivnog materijala utrošeno je 3.983,97 KM.

**3. Pretplata na dnevnu i periodičnu štampu (Kakanjske novine, Naša riječ i dr.) – 4.000,00 KM**

Sredstva za nabavku dnevne i periodične štampe planirana su iz razloga što Općina Kakanj svakodnevno prati javne pozive, te informacije i dešavanja koja su vezana za općinu, a iste sakuplja i arhivira.

U 2020. godini za nabavku dnevne i periodične štampe utrošeno je 3.904,5 KM.

**4. Zakup web-hostinga za službenu stranicu Općine Kakanj, te održavanje i redizajn službene stranice – 500,00 KM**

Ovaj izdatak predstavlja zakup prostora na serveru za službenu web-stranicu Općine Kakanj (www.kakanj.gov.ba), te troškove koji se odnose na održavanje i redizajn službene stranice, putem koje se svakodnevno vrši prezentacija svih dešavanja u Općini Kakanj u smislu aktivnosti Načelnika, rada Općinskog vijeća, aktivnosti općinskih službi i dr..

Službena web-stranica se redovno ažurira od strane zaposlenika Općine Kakanj, a osim informisanja razvijeni su i participativni mehanizmi kako bi se dobijale i povratne informacije. Uspostava i funkcioniranje službene web-stranice Općine Kakanj zasniva se na akcionim ciljevima koje je odredilo Općinsko vijeće Kakanj usvajajući Strategiju komuniciranja Općine Kakanj sa javnošću. U 2020. godini za zakup web-hostinga za službenu stranicu Općine Kakanj utrošeno je 467,00 KM.

**5. Usluge elektronskih medija (televizija, radio i internet) – objava oglasa, konkursa, javnih poziva, obavještenja, čestitki, reportaža, sjećanja i sl. – 21.000,00 KM**

**6. Usluge printanih medija – objava oglasa, konkursa, javnih poziva, obavještenja, čestitki, reportaža, sjećanja i sl. – 16.000,00 KM**

Usluge elektronskih (televizija, radio i internet) i printanih medija odnose se na objavu oglasa, konkursa, javnih poziva, obavještenja, čestitki, reportaža, sjećanja i sl..

Za veći broj javnih oglasa i konkursa postoji zakonska obaveza objavljivanja u više sredstava javnog informisanja.

Općina Kakanj putem sredstava javnog informisanja redovno izvještava javnost o svim bitnim dešavanjima na području općine (npr. proglašenje epizode pripravnosti zbog zagađenosti zraka, proglašenje elementarne nepogode, organizovanje raznih edukacija, obavještanje o podsticajima...).

Pored navedenog Općinski načelnik i Predsjedavajući Općinskog vijeća putem elektronskih i printanih medija upućuju čestitke povodom međunarodnih, državnih, općinskih i vjerskih praznika.

U 2020. godini troškovi za usluge elektronskih medija (televizija, radio i internet) iznosili su 21.872,28 KM, a troškovi za usluge printanih medija 16.447,73 KM.

**7. Objava oglasa, tendera i obavještenja u Službenom listu BiH – 3.000,00 KM**

Općina Kakanj u skladu sa važećim propisima ima obavezu određene oglase, obavještenja i sl. objavljivati isključivo u Službenom listu BiH (npr. obavještenja o javnoj nabavci, dodjeli ugovora, poništenju postupka nabavke i sl.), a radi poštivanja propisanih procedura. U 2020. godini troškovi objave oglasa, tendera i obavještenja u Službenom listu BiH su iznosili 2.589,1 KM.

**8. Ostale usluge informisanja – 1.500,00 KM**

U 2020. godini za ostale usluge informisanja utrošeno je 1.468,00 KM (npr: troškovi za specijalna izdanja Naše riječi: „ZE-DO sport“ i dr.).

**III – Usluge praćenja sjednica Općinskog vijeća Kakanj u 2021. godini – 27.000,00 KM**

**1. Snimanje i emitiranje sjednica Općinskog vijeća – televizija – 24.000,00 KM**

**2. Praćenje i izvještavanje sa sjednica Općinskog vijeća – radio – 1.500,00 KM**

**3. Praćenje i izvještavanje sa sjednica Općinskog vijeća – printani mediji – 1.500,00 KM**

U 2020. godini troškovi snimanja i emitiranja sjednica Općinskog vijeća (televizija), te praćenja i izvještavanja sa sjednica Općinskog vijeća (radio i printani mediji) iznosili su 26.804,00 KM.

Imajući u vidu navedeno predlaže se Općinskom vijeću Kakanj usvajanje Prijedloga Programa utroška sredstava za informisanje za 2021. godinu.

**Obradivač:**

Stručna služba za poslove Općinskog načelnika  
i Stručna služba za poslove Općinskog vijeća

**Predlagač:**

Općinski načelnik  
Mirnes Bajtarević